

RICKY LEE SCRIPTWRITING WORKSHOP BATCH 26

LOOTERS

sa panulat ni Benj Ramos

LOGLINE:

Less than 24 hours after the devastating typhoon Yolanda, Cora, a catholic school teacher and her brother Marcus, one of the mass prison escapees, fight for their ultimate survival against the entire community as they engage in “looting” — an intrusion of two biggest shopping malls in Tacloban — in complete darkness.

STORYLINE:

Isang Catholic school teacher si Cora, istrikto at naniniwalang lahat ng nangyayari sa mundo - maganda man o hindi - ay plano ng Diyos. Dahil sa pagkakakulong ng kapatid ni Cora, hindi sila in good terms ng nanay niyang si Inday dahil simula pa lang ay kakampi talaga ni Cora ang kapatid nya, anu man ang naging kasalanan nito.

Mababalitaang may paparating na bagyo sa kanilang lugar. Tatawagan ni Cora ang kanyang fiance na si Mike para pag-usapan ang nalalapit na kasal. Di pa nakakapag-finalize ng susuot-ing wedding gown si Cora. “Yung nasa mall na lang, meron doon. Ang ganda”

Kinagabihan, mananalasa ang bagyong Yolanda. Kinaumagahan, magigising si Cora na nakahiga na sa putikan. Tanging mga iyak ang maririnig ni Cora sa kapaligiran. Walang pulis, walang rescue team, walang media. Wala ring signal at kuryente. Hahanapin ni Cora ang ina at makikitang buhay nito. Maghahanap si Cora ng makakain.

Sa paglalakad madadaanan ni Cora ang isang dating glass dome na ngayon ay basag-basag na. Sa ilalim nito ay ilang bangkay na nahati dahil sa mga nahulog na salamin.

Kumpulan ang survivors sa tapat ng Gaisano Mall. Balot na balot sila ng putik, nag-iiyakan at may mga sugat sa katawan. “Pumayag na si Mayor!” sigaw ng isang lalaki, saka histerikal na magtatakbuhan papasok sa mall ala World War Z. Bayanihang iaangat ang vertical lifting door sa likod ng mall papunta sa storage room.

Matutuklasan ni Cora kung nasaan ang storage ng gamot na kailagan ni Nanay Inday — nasa 4th floor ito ng Robinsons Mall. Total blackout sa loob ng mall. Ang looters, lumalabas na may dalang oven, shoe racks, sako ng bigas, diapers, de lata etc. Para silang mga zombie na hindi magkanda-ugaga. Biglang guguhu ang 3rd floor at madadaghananan si Cora. Tutulungan siya ng kapatid na si Marcus na noo’y nakatakas sa kulungan dahil sa trahedya.

Mag-aaway silang magkapatid dahil ipipilit ni Cora na sumuko ang kapatid sa otoridad. Hihikain si Cora sa pagod. Makikipag-agawan si Marcus ng huling inhaler sa loob ng mall at mapapatay niya ito. Dala-dala ang inhaler para sa kapatid, unti unting babalik ang loob ng Cora sa kanyang kapatid. “Ayoko nang bumalik sa kulungan, Ate. Wala ba akong chance magbagong buhay?”

Magkakasundo ang magkapatid na dadalhan ng gamot ang kanilang ina. Ang flashlight na kakailanganin para malibot ang mall ay nasa basement ng mall dahil naroon ang hardware. Hindi ito magiging madali sa kanila dahil maputik at puno ng naanod na bangkay ang basement. Hahabulin sila ng aso at makakakagat si Marcus. Mapipilitan si Cora na magnakaw ng anti-rabies shot sa malapit na vet clinic.

Mami-meet nina Cora ang kapwa pugante ni Marcus. “Pare-pareho na tayong magnanakaw ngayon, Cora. Walang pulis pulis, walang krimi-kriminal” sabi ng isang tumakas. Matapos

makakuha ng flashlight, madadaanan nila ang isang wedding shop. Maaalala ni Cora ang fiance, di siya sure kung buhay pa ito o patay na. On the spur of the moment hahablutin niya ang wedding gown. Tanggap na niya ang ginagawa niyang looting. Magnanakaw din sila ng mga bra, panty, shorts, kumot. Makikita si Cora ng isa niyang estudyante habang naglu-looting. Tumango si Cora nang mahuli siya nito sa akto.

Sa isang fast food kitchen may looters na kumakain ng naputikan at nadagang pagkain. Maski ang pinakamayaman nilang kapitbahay ay nakikipag-agawan na. Makikipagsapakan si Marcus para mauwian nila si Nanay Inday.

Malalaman ni Cora na patay na ang fiance at dito na niya kukwestiyunin ang Diyos.

Sa unang pagkakataon sa matagal na panahon, muling nagkita si Marcus at Nanay Inday. Masaya si Inday dahil buhay ang mga anak. Hihingi naman ng tawad si Marcus sa ina. Pinatay pala ni Marcus ang sariling ama dahil sa pambubugbog nito kay Nanay Inday. Mahal pa rin ni Inday ang kanyang asawa, kaya ipinakulong niya si Marcus.

Papatawarin na rin ni Cora ang kapatid. "Ito na ang huling pagkakataong magnanakaw ako" sabi ni Marcus. Sasamahan kita, sabi naman ni Cora.

Bumalik sila sa mall para sa gamot. Nang malapit na sila rito, guguhon ang kisame ng mall na noo'y puno na pala ng tubig. Agos ito at aanurin ang magkapatid. Hawak na ni Cora ang gamot pero mabibitawan niya ito. Si Marcus naman ay macocorner kung saan unti unti siyang lulunurin ng putik at baha. Mamatay dito si Marcus.

Tulala at at mag-isang lumabas ng mall si Cora na hindi kasama ang kapatid. Iaabot ang gamot sa ina at mag-iyyakan sila.

Unti unting dumarating ang media, rescue at relief operations.

Magtatapos ang istorya na sumusuko ang ilang pugante para maibalik sa kulungan samantalang si Cora naman ay magiging teacher para sa mga batang namatayan ng kapamilya sa isang tent city sa Palo, Leyte.